



SLUŽBENI GLASNIK GRADA VISOKO

GODINA LIX

Visoko, UTORAK 04. mart 2025. godine

BROJ 02

16.

Na osnovu člana 92. Poslovnika Gradskog vijeća Visoko („Službeni glasnik Grada Visoko“ broj: 3/23), prilikom razmatranja Prijedloga osnove programa i politike Gradonačelnika Mirze Ganića za mandatni period 2024-2028, Gradsko vijeće Visoko na 5. sjednici, održanoj 27.02.2025. godine, donijelo je sljedeći:

ZAKLJUČAK

I

Gradsko vijeće Visoko usvaja Prijedlog osnove programa i politike Gradonačelnika Mirze Ganića za mandatni period 2024-2028.

II

Ovaj zaključak stupa na snagu danom donošenja.

Broj: 02/1-02-56/25
27.02.2025. godine
Visoko

PREDSJEDAVAJUĆI
Gradskog vijeća Visoko
Mr. Almir Ljeskovica, s.r.

17.

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine FBiH", broj: 49/06) i člana 34. Statuta Grada Visoko gradonačelnik donosi:

OSNOVE PROGRAMA RADA I POLITIKE ZA MANDATNI PERIOD 2024-2028. GODINA

I – UVOD

U mandatnom periodu glavni pravci i prioriteti rada i djelovanja ogledaju se u sljedećem:

Ekonomski razvoj: Fokusirat ćemo se na lokalni ekonomski razvoj kao osnovu za ukupni napredak društva. To uključuje podršku malim i srednjim poduzećima, razvoj poduzetničke infrastrukture i stimuliranje investicija.

Poljoprivreda: Razvoj poljoprivredne proizvodnje, osiguravanje subvencija i podrška poljoprivrednim proizvođačima ključni su za održivost i samostalnost naših zajednica.

Zaštita okoliša: Održivi razvoj i zaštita prirodnih resursa bit će prioriteti kroz unapređenje upravljanja otpadom, zaštitu pitke vode i promociju korištenja alternativnih izvora energije.

Mladi i porodica: Podržat ćemo mlade i porodice kroz programe samozapošljavanja, obrazovanja, stipendiranja i drugih inicijativa koje će pomoći zadržavanju mladih u zemlji i poboljšanju demografskih trendova.

Infrastruktura: Izgradnja i modernizacija komunalne infrastrukture, puteva, vodovoda i kanalizacije, kao i razvoj sportskih i kulturnih sadržaja, osigurat će kvalitetniji život građanima.

Turizam: Grad Visoko ima značajne turističke potencijale koji se svakodnevno kreiraju u turistički proizvod. Nastavit ćemo kreirati sadržaje kako bismo obogatili turističku ponudu i učinili naše Visoko još atraktivnijim za posjete, ali i za život naših građana.

Digitalizacija: Radit ćemo na digitalizaciji lokalne uprave, usklađivanju sa EU standardima i poboljšanju administrativnih procesa kako bi pružanje usluga bilo efikasnije i brže.

Realizacija strateških pravaca i ciljeva može biti usporena zbog velike inflacije i problema s kojim se susrećemo, a posebno privredni subjekti kao generatori razvoja i punjenja budžeta svih nivoa vlasti. Velika inflacija, smanjenje broja zaposlenih i smanjenje potrošnje zbog visokih cijena direktno može uticati na prilive sredstava u budžet Gradske uprave, a što se u ovom momentu ne može u potpunosti procijeniti.

II – STRATEŠKI PRAVCI RADA

Uvažavajući usvojene strateške okvire razvoja Grada u mandatnom periodu 2024 – 2028. godina, kao strateški pravci rada Gradonačelnika definišu se sljedeći:

1. EKONOMSKI SNAŽAN GRAD JE TEMELJ SNAŽNE DRŽAVE

Ukupan razvoj bosanskohercegovačkog društva, a naročito njegov ekonomski razvoj, u snažnoj je vezi sa lokalnim ekonomskim razvojem. Lokalna samouprava je generator mnogih ekonomskih aktivnosti, promjena i podrške ukupnom razvoju. Investicije i kreiranje novih radnih mjesta počivaju na dobrom poslovnom ambijentu, koji čini veliki broj faktora (poslovna i druga infrastruktura, obrazovana radna snaga, brz i kvalitetan administrativni servis, prateći bankarski, carinski i poreski servisi itd.). Koordinacija i povezivanje dijelova sistema praktično je i provodivo na lokalnom nivou. Kako bi se unaprijedio ekonomski razvoj i konkurentnost lokalne zajednice shodno specifičnostima, mogu se primjenjivati različiti mehanizmi za unapređenje lokalnog ekonomskog razvoja:

- ✓ Razvoj programa i projekata za izgradnju poduzetničke infrastrukture (poslovnih zona i svega onog što je potrebno za poslovanje);
- ✓ Podrška i poticaji za osnivanje malih i srednjih poduzeća i obrtnike;
- ✓ Uvođenje što većeg broja poticajnih mjera za pokretanje i razvoj malog i srednjeg poduzetništva – podrška mladima, ženama i drugim kategorijama stanovništva da pokrenu vlastiti biznis;
- ✓ Osiguranje edukacije u pisanju poslovnih planova, nagrađivanje najkvalitetnijih planova inicijalnim sredstvima za

osnivanje i početak rada, promovisanje kroz lokalne medije, pomoć pri registraciji firmi i sl.;

- ✓ Stimulativne administrativne takse i naknade na lokalnom nivou;
- ✓ Službenik za privredu u Gradskoj upravi koji će imati savjetodavu ulogu, ali i pomagati oko registracije biznisa i osiguranja podrške;
- ✓ Izrada vodiča za investitore koji će sadržavati sveobuhvatne informacije o mogućnostima za investiranje na lokalnom nivou, kao i informacije o procedurama dobijanja neophodnih saglasnosti, dozvola itd.;
- ✓ Podrška prekvalifikaciji i dokvalifikaciji radne snage te podrška tehnološkom napretku;
- ✓ Podrška razvoju srednjoškolskog obrazovanja kroz planove upisa i unapređenje saradnje sa poslovnom zajednicom;
- ✓ Uspostava institucionalne saradnje sa poslovnom zajednicom kroz savjetodavna tijela u kojima zajednički sudjeluju javni i privatni sektor;
- ✓ Rad na stvaranju povoljne klime s ciljem privlačenja investitora, kako domaćih tako i stranih, za ulaganje u lokalnu zajednicu;
- ✓ Pojednostavljenje administrativnih procedura za registraciju poduzetničkih subjekata – uvođenje online registracije gdje god je to moguće;
- ✓ Podrška sajamskim nastupima i organizaciji sajмова privrede i poduzetništva;
- ✓ Ulaganje u obučavanje gradskih kadrova za pisanje projektnih prijedloga, apliciranje i provođenje projekata, a sve s ciljem povlačenja što većih sredstava iz fondova Evropske unije, kao i svih drugih fondova na koje jedinice lokalne samouprave mogu aplicirati;
- ✓ Razvoj i saradnja javnog i privatnog sektora u lokalnom ekonomskom razvoju, kapitalnim investicijama, komunalnoj infrastrukturi i uslugama u različitim formama do projekata JPP;
- ✓ Aktivna saradnja sa službama za zapošljavanje;
- ✓ Programi omladinskog poduzetništva itd.

2. POLJOPRIVREDNA PROIZVODNJA I PROIZVODNJA VLASTITE HRANE SNAŽAN SU FAKTOR RAZVOJA NAŠEG GRADA

Grad Visoko ima značajno razvijenu poljoprivrednu proizvodnju. U proteklom periodu snažno smo podržali poljoprivredne proizvođače, ali cijeneći značaj i težinu poljoprivredne proizvodnje kontinuirano ćemo poboljšavati i prilagođavati programe podrške, kao i povećavati finansijska sredstva. U narednom periodu ćemo:

- ✓ Ulagati u razvoj poljoprivrede sa ciljem održivog razvoja i povećanja proizvodnje hrane i vode, subvencijama, investicijama, podsticajima, sufinansiranjem;
- ✓ Pružiti pomoć udruženjima poljoprivrednih proizvođača i zadrugama;
- ✓ Kreirati ambijent za razvoj stočarstva i domaće proizvodnje hrane;
- ✓ Sudjelovati u korištenju poljoprivrednih površina;
- ✓ Dati značaj vlastitom učešću poljoprivrednih proizvođača i poduzetnika u svakom pojedinačnom projektu;
- ✓ Edukacijom i modernizacijom pomoći podizanju produktivnosti u poljoprivredi;
- ✓ Posebnu pažnju posvetiti oblastima: proizvodnja mesa i mlijeka, proizvodnja jagodičastog i bobičastog voća, proizvodnja povrća na otvorenom i zatvorenom prostoru, organska proizvodnja hrane, sakupljanje, proizvodnja i prerada ljekovitog bilja i gljiva kao izvoznog proizvoda, pčelarstvo i dr.;
- ✓ Afirmirati potrošački etnocentrizam kampanjama; kupujmo domaće, domaće je zdravije...

Naš cilj je da Visoko ostane centar poljoprivredne proizvodnje u Ze – Do kantonu, te da pravilnim politikama podrške olakšamo poljoprivrednim proizvođačima da opstanu, da ne posustanu i dalje da se razvijaju. Vrlo je važno pružati podršku koja će pokrivati fiksne troškove proizvodnje, jer opstanak upravo zavisi od toga.

3. VODE, ŠUME, ZRAK, PRIRODNA BOGASTVA SU OSNOVA ZDRAVOG ŽIVOTA

Zaštita okoliša je osnovni preduvjet dugoročnog i održivog razvoja. Sistemi zaštite okoliša i efikasnije upravljanje prirodnim resursima neki su od ključnih izazova bosanskohercegovačkog društva. Grad Visoko će biti nosilac ključnih aktivnosti s ciljem zaštite prirode, unapređenja kvaliteta okoliša, jačanja ekološke svijesti i zaštite okoliša, a napredak će se postizati:

- ✓ Zaštitom izvorišta pitkih voda;
- ✓ Izgradnjom adekvatne kanalizacione infrastrukture;
- ✓ Unapređenjem sistema upravljanja komunalnim otpadom;
- ✓ Kontinuiranim sanacijama divljih deponija;
- ✓ Programima podrške utopljanju javnih i stambenih objekata, te konverzija grijanja;
- ✓ Maksimalnom pokrivenošću teritorija organiziranim prikupljanjem i odvozom otpada;
- ✓ Brigom o zelenim površinama;
- ✓ Korištenjem štednih/LED i pametnih sistema javne rasvjete;
- ✓ Edukativnim ekološkim programima za mlade (štednja energije, upravljanje otpadom, štednja vode i dr.);
- ✓ Programima i projektima sadnje drveća;

4. PORODICA JE TEMELJ, STUB I KROV DRUŠTVA I TREBA JE PODSTICATI

Opstanak društva i države ovisi o vitalnosti i brojnosti naroda, vrijednostima koje njeguje i razvija u institucijama i porodicama. Bosna i Hercegovina se suočava sa negativnim demografskim trendovima (negativan prirodni priraštaj) i odlaskom mladih ljudi i porodica. Ovaj problem iz godine u godinu je sve izraženiji i ozbiljniji, te dugoročno prijeti ugrožavanju mnogih segmenata življenja. Kao moguće i potrebne mjere vidimo:

- ✓ Podrška samozapošljavanju kroz uvođenje poticajnih mjera za pokretanje poduzetništva mladih uz pomoć grantova i subvencija;
- ✓ Snažnija podrška školovanju mladih (na različitim nivoima), takmičenjima na različitim nivoima i ukupno isticanje i nagrađivanje pozitivnih primjera;
- ✓ Podrška omladinskom aktivizmu kroz neformalne grupe, udruženja građana,

- mjesne zajednice; kulturne, sportske i zabavne aktivnosti i dr.;
- ✓ Poboljšanje uslova za stambeno zbrinjavanje mladih kroz subvencioniranje kamata ili sufinansiranje cijene građevinske dozvole;
 - ✓ Osnivanje savjetničkih centara za pomoć pri osnivanju biznisa i pomoći realizacije biznis ideja od samog začeća do implementacije te kroz pomoć mladim osobama sa invaliditetom;
 - ✓ Izraženu podršku organiziranom i pravilnom korištenju slobodnog vremena; omladinski centri, pristup kulturnim centrima, dani sporta, omladinski kampovi, susreti mladih;
 - ✓ Formiranje centara/savjetovaništa za porodicu unutar centara za socijalni rad (socijalna, psihološka, pedagoška i druga podrška očuvanju i razvoju porodice);

5. INFRASTRUKTURA – RADILI SMO, RADIMO I RADIT ĆEMO

Izgrađena infrastruktura bitan je faktor kvaliteta življenja u svakoj mjesnoj zajednici; od puteva, vodovoda, kanalizacije, rasvjete, šetališta, prostora za kulturu, sport i razonodu. Stoga će se u radu posvetiti posebna pažnja gore pomenutim temama na način da se u mjesnim zajednicama:

- ✓ Snažno podupire izgradnja osnovne komunalne infrastrukture i komunalnog sistema (vodovod, kanalizacija, rasvjeta i dr.);
- ✓ Intenzivira finansiranje izgradnje i rekonstrukcije lokalnih saobraćajnica i prateće infrastrukture (parkinzi, javna rasvjeta, autobuska stajališta i dr.);
- ✓ Omogućiti intenzivan razvoj sadržaja za sport, kulturu i slobodno vrijeme (sportski tereni i dvorane, kulturni centri i dr.);

Poseban fokus će biti na realizaciji top 10 projekata:

1. Modernizovati ulicu Alije Izetbegovića i otvoriti prolaznicima pogled prema rijeci Fojnici;
2. Ulicu Čaršijsku pretvoriti u šetnicu i istu popločati kako bi imala sve konture i vizuale lijepe i moderne šetnice;
3. Izgraditi kružni tok na ulazu u Visoko;

4. Rekonstruisati put Ozrakovići, Kadije Uvejsa i Bosne Srebrene s izgradnjom pješačke staze i rasvjete;
5. Modernizovati i urediti Dom kulture;
6. Proširiti parking kod JU Dom zdravlja Visoko i Doma kulture;
7. Izgraditi novu zgradu Hitne medicinske pomoći;
8. U Šarenim Hanovima izgraditi trotoare za nesmetano kretanje pješaka, riješiti odvodnju površinskih voda i rekonstruisati cijelu saobraćajnicu
9. Rekonstruisati put od Gračanice do Podvinaca
10. Krenuti u faznu rekonstrukciju puta Buci - Goduša.

6. DIGITALIZACIJA GRADSKE UPRAVE I PRILAGOĐAVANJE EU NORMAMA

Bosna i Hercegovina, kao zemlja kandidat za članstvo u Evropskoj uniji ima potrebu da svoj pravni okvir i rad uprave prilagođava evropskim standardima. To znači da su pred nama reforme, koje će tražiti drugi, ali istovremeno reforme koje su nam potrebne za efikasniju i efektivniju upravu. Reforme će nužno uključivati digitalizaciju i standardizaciju, viši stepen razvoja e-uprave. Stoga ćemo se zalagati za:

- ✓ Kadrovsko jačanje IT službe u Gradskoj upravi;
- ✓ Standardizaciju administrativnih procesa, rokova i cijena usluga, troškova rada uprave i njene brojnosti;
- ✓ Razvoj i viši stepen primjene elektronskih rješenja u upravi;
- ✓ Razvoj i unaređenje vlastite mreže;
- ✓ Elektronski servisi u drugim sistemima (e-parking, pametna rasvjeta i sl.);
- ✓ Slobodne Internet zone za građane;
- ✓ Primjena evropskih praksi lokalne samouprave.

III – ZAKLJUČAK

Polazeći od glavnih pravaca i prioriteta djelovanja, te činjenice da je ovaj programski dokument nastao u komunikaciji s građanima, nastaviti ćemo kontinuitet svog rada i u pravcima za koje smo trajno opredjeljeni, a između ostalog i za:

- ✓ Zadovoljavanje potreba stanovništva u oblasti obrazovanja, kulture i sporta;
- ✓ Poboljšanje uslova za rad predškolskih i školskih ustanova kroz sanacije objekata, nabavku nove opreme, sredstava za rad;
- ✓ Podršku učenicima i studentima kroz programe stipendiranja, sisteme nagrađivanja, podrške u prevozu, i druge vannastavne aktivnosti i potrebe;
- ✓ Podršku u radu obrazovnih i institucija kulture kroz redovan rad i ponudu sadržaja građanima;
- ✓ Podršku, razvoj i realizaciju projekata pomoći boračkim populacijama;
- ✓ Finansijsku podršku udruženjima boračkih populacija;
- ✓ Stimulaciju nataliteta (novčana pomoć novorođenoj bebi, vantjelesna oplodnja i sl.);
- ✓ Podrška zdravom i aktivnom starenju;
- ✓ Nastavak pružanja podrške socijalno ugroženim kategorijama stanovništva Visokog;
- ✓ Osiguranje sredstava za rad Javne kuhinje, koja će biti namijenjena najugroženijoj kategoriji stanovništva;
- ✓ Osiguranje podrške ustanovama koje brinu o djeci i odraslim s posebnim potrebama, žrtavama nasilja u porodici i sl.;
- ✓ Razvijanju održivog turizma i osiguranje očuvanja bogate kulturno-historijske baštine;
- ✓ Opremanjem sa savremenom medicinskom aparaturom JU Dom zdravlja Visoko;
- ✓ Provođenje borbe protiv svih oblika ovisnosti (duhan, alkohol, narkotici);
- ✓ Osiguranje uslova za promociju zdravlja i zdravog načina života;
- ✓ Osiguranje veterinarske zaštite na nivou Grada;
- ✓ Obezbjedenje potrebne podrške za jačanje kapaciteta policije, civilne zaštite, vatrogasnog društva, gorske službe za spašavanje, Doma zdravlja, ambulant, hitne pomoći, veterinarskih stanica;
- ✓ Davanja kvalitetne podrške za rad organizacija civilnog društva koje provode projekte s ciljem prevencije svih oblika kriminala: imovinskog, zloupotrebe opojnih droga, kršenja javnog reda i mira, rodno zasnovanom nasilju, zločinu iz mržnje, nasilju u porodici;

- ✓ Podršku institucijama i organizacijama za realizaciju programa i projekata koji promovišu zdrav način života, toleranciju, ekološku osviještenost, brigu o pravima manjina;
- ✓ Uspostavljanje kvalitetnog i funkcionalnog video nadzora na ključnim saobraćajnicama i trgovima

Vjerujemo da kroz zajednički rad i angažman možemo postići ciljeve i napraviti značajan korak ka boljoj budućnosti za sve građane Visokog.

Broj: 01/1-02-307/25
20.02.2025. godine

GRADONAČELNIK
mr. sci. Mirza Ganić dipl. ing.

18.

Na osnovu člana 13. i 28. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), i člana 60. Statuta Grada Visoko („Službeni glasnik Grada Visoko“, broj: 10/21), Gradsko vijeće Visoko, na 5. sjednici, održanoj 27.02.2025. godine, donijelo je

O D L U K U

o raspisivanju izbora i načinu provođenja postupka izbora za članove savjeta u mjesnim zajednicama Grada Visoko za mandatni period 2025 - 2029 godina

Član 1.

Raspisuju se izbori za članove savjeta mjesnih zajednica Grada Visoko za mandatni period 2025-2029 godina.

Član 2.

Izbori će se održati u nedjelju, 13. aprila 2025. godine, u vremenu od 08,00 do 16,00 sati, u svih 26 mjesnih zajednica Grada Visoko.

Član 3.

Savjet mjesne zajednice ima od pet do devet članova.

Broj članova savjeta mjesne zajednice utvrđuje se statutom mjesne zajednice prema broju građana upisanih u centralni birački spisak na području mjesne zajednice, s tim da svako mjesno područje ili više manjih naselja u savjetu mjesne zajednice bude adekvatno zastupljeno.

Član 4.

Gradsko vijeće Visoko imenovat će Komisiju za sprovođenje izbora u mjesnim zajednicama, koja ima predsjednika i pet članova (u daljem tekstu Komisija).

Administrativno-tehničke poslove za potrebe Komisije obavljat će Stručna služba Gradskog vijeća.

Član 5.

Broj kandidata koji se biraju za određeno mjesno područje ili više manjih naselja utvrđuje savjet mjesne zajednice i isti dostavlja Komisiji.

Član 6.

Kandidat za člana savjeta mjesne zajednice može biti svaki punoljetni građanin sa pravom glasa i prebivalištem na području mjesne zajednice za koje se bira.

Kandidata za člana savjeta mjesne zajednice mogu predložiti građani, organi političkih stranaka, organizacije i udruženja. Prijedlog kandidata dostavlja se savjetu mjesne zajednice u periodu od 10. do 26. marta 2025. godine, uz obavezno pisano izjašnjenje predloženog kandidata o prihvatanju kandidature.

Savjet mjesne zajednice će najkasnije do 31. marta dostaviti listu kandidata Komisiji, na osnovu koje Komisija utvrđuje kandidacionu listu za izbor članova savjeta mjesne zajednice.

Član 7.

Na osnovu kandidacione liste, Komisija utvrđuje izgled glasačkog listića.

Redoslijed kandidata na glasačkom listiću utvrdit će se po abecednom redu prezimena kandidata, a ako kandidati imaju isto prezime redoslijed se vrši po abecednom redu imena kandidata.

U slučaju da dva ili više kandidata imaju isti broj glasova, izabrat će se onaj kandidat čije je ime na glasačkom listiću upisano prvo u odnosu na drugog i ostale kandidate.

Član 8.

Birački odbor ima predsjednika i dva člana, te imenovane zamjenske članove.

Članove biračkog odbora predlaže savjet mjesne zajednice, a imenovanje istih vrši Komisija.

Član biračkog odbora ne može biti kandidat na listi, niti posmatrač.

Naknadu za rad biračkom odboru utvrđuje Komisija za sprovođenje izbora u mjesnim zajednicama Grada Visoko.

Član 9.

Rad Komisije i biračkih odbora na dan izbora mogu posmatrati posmatrači akreditirani od Komisije.

Zahtjev za akreditiranje posmatrača mogu podnijeti političke stranke, udruženja građana i građani pojedinačno ili grupno.

Akreditirani posmatrač prati rad Komisije, odnosno biračkog odbora i ne može učestvovati u njihovom radu, a ima pravo podnošenja prigovora Komisiji.

Broj posmatrača određenog subjekta je neograničen, s tim da određeni subjekt može imati samo jednog posmatrača u isto vrijeme na jednom biračkom mjestu.

Posmatrač ne može biti član biračkog odbora, niti kandidat na listi.

Na rad biračkih odbora i Komisije može se podnijeti prigovor u roku od 24 sata.

O prigovoru na rad biračkih odbora odlučuje Komisija.

Gradonačelnik odlučuje o prigovorima na rad Komisije.

Član 10.

Rezultate izbora za članove savjeta u mjesnim zajednicama potvrđuje odlukom Gradsko vijeće Visoko, najkasnije u roku od 30 dana nakon održanih izbora.

Potvrđivanjem rezultata izbora za članove savjeta mjesnih zajednica (mandatni period 2025-2029) prestaje mandat članovima savjeta mjesnih zajednica (mandatni period 2021-2025).

Savjeti mjesnih zajednica Grada Visoko (mandatni period 2021-2025) dužni su u roku od 30 dana od potvrđivanja rezultata izbora za savjete mjesnih zajednica (mandatni period 2025-2029) izvršiti primopredaju savjetima mjesnih zajednica (mandatni period 2025-2029).

Savjeti mjesnih zajednica Grada Visoko (mandatni period 2025-2029) dužni su

u roku od 30 dana od dana potvrđivanja rezultata izbora izvršiti konstituisanje.

Predsjednik savjeta mjesne zajednice je kandidat sa liste za izbor članova savjeta mjesne zajednice koji dobije najveći broj glasova.

Član 11.

Sredstva za sprovođenje izbora u mjesnim zajednicama obezbjeđuju se u Budžetu Grada Visoko.

Član 12.

Ova Odluka stupa na snagu danom objavljivanja u „Službenom glasniku Grada Visoko“.

**Broj: 02/1-02-59/25
27.02.2025. godine
Visoko**

**PREDSJEDAVAJUĆI
Gradskog vijeća Visoko
Mr. Almir Ljeskovica, s.r.**

19.

Na osnovu člana 21. a u vezi sa članom 60. Statuta Grada Visoko („Službeni glasnik Grada Visoko“, broj: 10/21), Gradsko vijeće Visoko, na 5. sjednici, održanoj 27.02.2025. godine, donijelo je

O D L U K U o imenovanju Komisije za sprovođenje izbora u mjesnim zajednicama Grada Visoko

Član 1.

U Komisiju za sprovođenje izbora u mjesnim zajednicama Grada Visoko koji će se održati u nedjelju, 13. aprila 2025. godine, imenuje se:

- 1. MUHAMED HALILBEGOVIĆ, predsjedj.**
- 2. AMAR MURATOVIĆ, član**
- 3. ARIF LEPIĆ, član**
- 4. SEMIR MASNOPITA, član**
- 5. NAHIDA FEJZIĆ, član**
- 6. EJRA ZIMIĆ, sekretar**

Član 2.

Zadatak Komisije za sprovođenje izbora u mjesnim zajednicama je da:

- pripremi i organizuje provedbu izbora,
- odredi biračka mjesta na području mjesne zajednice,
- imenuje članove biračkih odbora,

- utvrdi visinu naknade za iznajmljivanje prostora za biračka mjesta,
- utvrdi visinu naknade za članove biračkog odbora,
- brine o sigurnosti i dostavi biračkim odborima izbornog materijala,
- obavještava birače o svim informacijama neophodnim za provedbu izbora,
- utvrdi rezultate izbora i u roku od 2 dana dostavi izvještaj o rezultatima izbora Gradonačelniku,
- podnose Gradskom vijeću Visoko izvještaj o provedenim izborima.

Član 3.

Za provođenje navedenih aktivnosti Komisija će donijeti provedbene akte u skladu sa Statutom Grada Visoko, statutima mjesnih zajednica i Odlukom o raspisivanju izbora za članove savjeta u mjesnim zajednicama Grada Visoko.

Član 4.

Članovima Komisije za sprovođenje izbora u mjesnim zajednicama Grada Visoko pripada novčana naknada za rad, koja će biti utvrđena posebnim aktom Gradonačelnika Grada Visoko.

Član 5.

Ova Odluka stupa na snagu danom objavljivanja u „Službenom glasniku Grada Visoko“.

**Broj: 02/1-02-60/25
27.02.2025. godine
Visoko**

**PREDSJEDAVAJUĆI
Gradskog vijeća Visoko
Mr. Almir Ljeskovica, s.r.**

20.

Na osnovu člana 18. stav 10. i 11. Zakona o unutrašnjoj trgovini Federacije BiH („Službene novine FBiH“ broj 87/24), član 5. stav 1. tačka c. Uredbe o kriterijima za primjenu odredbi člana 18. stav (10) i (11) Zakona o unutrašnjoj trgovini („Službene novine FBiH“ broj 102/24) i člana 21. Statuta Grada Visoko („Službeni glasnik Grada Visoko“ broj 10/21), Gradsko vijeće Visoko, na 5. sjednici, održanoj 27.02.2025. godine, donijelo je

O D L U K U

o prijedlogu radnog vremena trgovinskih objekata na području grada Visoko

Član 1.

Ovom Odlukom Gradsko vijeće Visoko predlaže Vladi Federacije BiH da trgovinske objekte na području Grada Visoko izuzme od odredbi člana 18. stav (1),(2) i (3) Zakona o unutrašnjoj trgovini Federacije BiH ("Službene novine Federacije BiH", broj 87/24).

Izuzeće od primjene navedenih odredbi se predlaže za period od 01.04.do 30.11. u toku godine / sezonsko izuzeće/, a zbog povećanog broja turista i uspješne turističke sezone u navedenom periodu na području Grada Visoko.

Član 2.

Ova Odluka dostavit će se putem Federalnog ministarstva trgovine Vladi Federacije BiH na dalje postupanje.

Član 3.

Ova Odluka stupa na snagu danom donošenja, a objavit će se u "Službenom glasniku Grada Visoko".

Broj: 02/1-02-61/25
27.02.2025. godine
Visoko

PREDSJEDAVAJUĆI
Gradskog vijeća Visoko
Mr. Almir Ljeskovic, s.r.

21.

Na osnovu člana 21. Statuta Grada Visoko („Službeni glasnik Grada Visoko“, broj 10/21) i člana 17. Odluke o dodjeli u zakup poslovnih prostora Grada Visoko („Službeni glasnik Grada Visoko“, broj 4/22), Gradsko vijeće Visoko na 5. Sjednici, održanoj 27.02.2025.godin, donijelo je

ODLUKU

o dodjeli u zakup poslovnog prostora političkoj stranci Stranka za Bosnu i Hercegovinu, Gradska Organizacija Visoko

Član 1.

Ovom odlukom Gradsko vijeće daje saglasnost Gradonačelniku i nadležnoj gradskoj službi za dodjelu u zakup neposrednom pogodbom, poslovnog prostora u vlasništvu Grada Visoko političkoj stranci Stranka za Bosnu i Hercegovinu, u skladu sa članom 17., alineja 8. Odluke o dodjeli u zakup poslovnih prostora Grada Visoko („Službeni glasnik Grada Visoko“, broj 4/22).

Član 2.

Poslovni prostor iz člana 1. ove Odluke nalazi se u ulici Čabaravdića broj 1, k.č. 305/1, K.O. Visoko, Grad Visoko, površine 54,15 m².

Član 3.

Poslovni prostor se dodjeljuje na godinu dana uz naknadu od 1,00KM/m², što ukupno iznosi 54,15KM mjesečno (slovima: pedesetčetiri i 15/100 konvertibilnih maraka). Na cijenu zakupnine se obračunava PDV, koji zakupac plaća uz zakupninu.

Član 4.

Odluka stupa na snagu danom objave u „Službenom glasniku Grada Visoko“.

Broj: 02/1-02-62/25
27.02.2025. godine
Visoko

PREDSJEDAVAJUĆI
Gradskog vijeća Visoko
Mr. Almir Ljeskovic, s.r.

22.

Na osnovu člana 37. stav 7., člana 42. stav 1., Zakona o prostornom uređenju i građenju („Službene novine ZDK“, broj: 17/23) i člana 21. Statuta Grada Visoko („Službeni glasnik Grada Visoko“, broj: 10/21), Gradsko vijeće Visoko saziva 2024 – 2028, na 5.sjednici, održanoj 27.02.2025. godine, donijelo je:

O D L U K U

o pristupanju izradi izmjena i dopuna Regulacionog plana "Centar 3 – I"

a) Vrsta planskog dokumenta**Član 1.**

Pristupa se izradi izmjena i dopuna Regulacionog plana „Centar 3 – I“ (Službeni glasnik Grada Visoko 05/19), u daljnjem tekstu: Izmjena i dopuna Regulacionog plana.

b) Granice područja za koje se dokument radi ili mijenja**Član 2.**

Granica obuhvata Izmjena i dopuna Regulacionog plana „Centar 3 – I“ obuhvata sljedeće katastarske parcele označene kao k.č. broj: 1449/1, 1453/1, 1452, 1449/2, 1450, 1451, 1453/29, 1453/28, 1453/27, 1453/26, 1453/25, 1453/24, 1453/23, 1453/22, 1453/21,

1453/20, 1453/19, 1453/18, 1453/17, 1453/16, 1453/15, 1453/14, 1453/13, 1453/12, 1453/11, 1453/10, 1453/9, 1453/8, 1453/7, 1453/6, 1453/5, 1453/4, 1453/3, 1453/2, 1453/30, 1448/1 u K.O. Visoko.

c) Vrsta planskog dokumenta višeg reda (šire greda) na osnovu kojeg se pristupa izradi planskog dokumenta

Član 3.

Planski dokument višeg reda na osnovu kojeg se pristupa izradi Izmjena i dopuna Regulacionog plana je Urbanistički plan za urbano područje Visoko za period od 2016. do 2034. godine.

d) Vremenski period za koji se planski dokument donosi

Član 4.

Izmjena i dopuna Regulacionog plana se donosi za period do donošenja novog planskog dokumenta ili do isteka važnosti postojećeg.

e) Smjernice za izradu ili izmjenu planskog dokumenta

Član 5.

- Izradi Izmjena i dopuna Regulacionog plana pristupa se na osnovu Urbanističkog plana za urbano područje Visoko za period od 2016. do 2034. godine i na osnovu trenutno važećeg Regulacionog plana "Centar 3 – I",
- Izmjene i dopune Regulacionog plana rade se u cilju stvaranja planskog osnova za funkcionalno i izvodivo provođenje istog,
- Odluku o provođenju Regulacionog plana "Centar 3-I" izmjeniti i/ili dopuniti sa novim izmjenjenim planskim rješenjem,
- Izvršiti analizu prostorne organizacije navedenog obuhvata sa prijedlogom novog položaja vjerskog objekta, pratećih objekata drugog sadržaja sa planiranim podzemnim garažama,
- Izraditi novi prijedlog parcelizacije za predmetni obuhvat u skladu sa novim modelom prostorne organizacije,
- Izvršiti analizu postojećeg prostora namijenjenog za parkiranje, pješačke staze, uređenje zelenih površina, te

uskладiti sa novim položajem planiranih objekata.

f) Optimalni rok izrade Regulacionog plana

Član 6.

Rok za izradu i usvajanje Izmjena i dopuna Regulacionog plana je najduže dvije godine od dana stupanja na snagu ove odluke.

g) Sadržaj planskog dokumenta

Član 7.

Izmjena i dopuna Regulacionog plana se sastoji od tekstualnog i grafičkog dijela koji je sačinjen prema Zakonu o prostornom uređenju ("Službene novine ZDK", broj: 17/23) i Uredbi o jedinstvenoj metodologiji za izradu planskih dokumenta ("Službene novine FBiH", broj: 63/04, 50/07 i 84/10).

h) Odredbe o sudjelovanju u javnosti-javnoj raspravi i javnom uvidu

Član 8.

Javna rasprava i javni uvid će se provesti prema odredbama Zakona o prostornom uređenju ("Službene novine ZDK", broj: 17/23) i Uredbi o jedinstvenoj metodologiji za izradu planskih dokumenta ("Službene novine FBiH", broj: 63/04, 50/07 i 84/10).

i) Način osiguranja sredstva za izradu ili izmjenu planskog dokumenta

Član 9.

Izrada Izmjene i dopune Regulacionog plana finansirat će se sredstvima investitora, putem Grada Visoko.

j) Nositelj pripreme za izradu ili izmjenu planskog dokumenta

Član 10.

Nositelj pripreme Izmjene i dopune Regulacionog plana je Gradonačelnik putem Službe za urbanizam, imovino – pravne, geodetske poslove i katastar nekretnina.

k) Nositelj izrade ili izmjene planskog dokumenta

Član 11.

Izbor nosioca izrade Izmjene i dopune Regulacionog plana izvršit će se u skladu sa propisima koje regulišu javne nabavke, iz reda pravnih lica koja su registrovana za djelatnost izrade planskih dokumenata.

I) Ostale odredbe**Član 12.**

Prilog ove odluke je grafički prikaz obuhvata Izmjena i dopuna Regulacionog plana.

Član 13.

Ova odluka stupa na snagu osmog dana od dana objavljivanja u "Službenom glasniku Grada Visoko".

Broj: 02/1-02-63/25
27.02.2025. godine
Visoko

PREDSJEDAVAJUĆI
Gradskog vijeća Visoko
Mr. Almir Ljeskovica, s.r.

23.

Na osnovu člana 7. i 22. Zakona o stvarnim pravima („Službene novine Federacije BiH“, broj: 66/13 i 100/13), člana 13. Zakona o principima lokalne samouprave u FBiH („Službene novine Federacije BiH broj: 49/06), člana 21. Statuta Grada Visoko („Službeni glasnik Grada Visoko“ broj: 10/21), Gradsko vijeće Visoko, na 5. sjednici, održanoj 27.02.2025.godine, donijelo je

O D L U K U**o prestanku statusa javnog dobra
na nekretninama
k.č. 833/2 i k.č. 834/2 KO Dobrinje****Član 1.**

Gradsko vijeće Visoko utvrđuje da je prestao status javnog dobra na dijelu nekretnine označene kao k.č.833 u površini od 6 m2 (nakon tehničke promjene cijepanja označena kao k.č.833/2) i k.č.834 u površini od 3 m2 (nakon tehničke promjene cijepanja označena kao k.č. 834/2) na osnovu zemljišnoknjižne i katastarske evidencije upisane kao lokalni put-javno dobro putevi sve u KO Dobrinje titular prava Grada Visoko.

Član 2.

Obavezuje se nadležna služba Grada Visoko da nakon stupanja na snagu ove Odluke, provede

tehničku promjenu cijepanja nekretnina kako je to sačinjeno prema geodetskom elaboratu „AMG“ doo Visoko od jula 2023 godine koji je prilog ove Odluke, na način da se nekretnina

- k.č.833 KO Dobrinje cijepa na: nekretninu k.č.833/1 površine 15212 m2 u naravi lokalni put-javno dobro putevi i nekretninu k.č.833/2 površine 6m2 lokalni put, sve KO Dobrinje u korist Grada Visoko sa udjelom 1/1,
- nekretnina k.č.834 KO Dobrinje se cijepa na nekretninu-k.č.834/1 površine 2989 m2 u naravi lokalni put-javno dobro putevi i nekretninu k.č.834/2 površine 3 m2 označena kao lokalni put , sve KO Dobrinje u korist Grada Visoko sa udjelom 1/1.

Član 3.

Zemljišnoknjižni ured Općinskog suda u Visokom će nakon stupanja na snagu ove Odluke, izvršiti brisanje upisa „javno dobro putevi“ na novonastalim nekretninama k.č.833/2 površine 6 m2 označena kao lokalni put, i k.č. 834/2 površine 3 m2 označena kao lokalni put sve KO Dobrinje vlasništvo Grada Visoko.

Član 4.

Ova Odluka stupa na snagu danom objave u „Službenom glasniku Grada Visoko“.

Broj: 02/1-02-65/25
27.02.2025. godine
Visoko

PREDSJEDAVAJUĆI
Gradskog vijeća Visoko
Mr. Almir Ljeskovica, s.r.

24.

Na osnovu člana 22.i 363.stav 5. Zakona o stvarnim pravima („Službene novine Federacije BiH“, broj: 66/13 i 100/13), člana 13. Zakona o principima lokalne samouprave u FBiH („Službene novine Federacije BiH broj: 49/06), te člana 21. Statuta Grada Visoko („Službeni glasnik Grada Visoko“ broj: 10/21), Gradsko vijeće Visoko, na 5. sjednici, održanoj dana 27.02.2025. godine, donijelo je

O D L U K U**o zamjeni nekretnina k.č. 833/2 i 834/2 za
nekretninu k.č.482/4 sve KO Dobrinje****Član 1.**

Gradsko vijeće donosi odluku o zamjeni nekretnina u postupku neposredne zamjene,

nekretnine k.č. 833/2 površine 6 m² označena kao lokalni put i k.č. 834/2 površine 3m² označena kao lokalni put, sve u KO Dobrinje vlasništvo Grada Visoko sa udjelom 1/1, ZA nekretninu označenu kao k.č. 482/4 K.O. Dobrinje u površini od 9 m², označena kao dvorište vlasništvo Zijade Smailagić sa udjelom 1/1.

Član 2.

Obavezuje se nadležna služba Grada Visoko da nakon stupanja na snagu ove Odluke, provede tehničku promjenu-cijepanje nekretnine k.č. 482/1 KO Dobrinje ukupne površine 418 m², tako da tvori novonastalu nekretninu k.č. 482/4 površine 9 m² označenu kao dvorište - nekretnina za zamjenu, i nekretninu k.č.482/1 površine 409m² označena kao stambeno poslovna zgrada i dvorište sve KO Dobrinje u vlasništvu Zijade Smailagić kako je to sačinjeno prema geodetskom elaboratu sačinjenom od strane „AMG“ doo Visoko iz jula 2023.godine koji je prilog ove Odluke.

Član 3.

Gradsko vijeće ovlašćuje Gradonačelnika Mirzu Ganića da u ime Grada Visoko zaključi ugovor o zamjeni i prenosu prava vlasništva na nekretninama k.č 833/2 u površini od 6m² po ukupnoj cijeni od 90 KM i k.č.834/2 u površini od 3 m² po ukupnoj cijeni od 45 KM sve KO Dobrinje vlasništvo Grada Visoko, za nekretninu k.č.482/4 površine 9m² KO Dobrinje ukupne cijene 135 KM, vlasništvo Zijade Smailagić.

Član 4.

Procjenu tržišne vrijednosti nekretnina iz člana 3. Ove Odluke utvrdila je Komisija za procjenu prometne vrijednosti nekretnina imenovana od strane Gradskog vijeća Visoko.

Član 5.

Troškovi sačinjavanja i ovjere ugovora snosi Zijada Smailagić.

Član 6.

Ova odluka stupa na snagu danom objave u „Službenom glasniku Grada Visoko“.

Broj: 02/1-02-66/25
27.02.2025. godine
Visoko

PREDSJEDAVAJUĆI
Gradskog vijeća Visoko
Mr. Almir Ljeskovic, s.r.

25.

Na osnovu člana 7, 23. i člana 53. Zakona o stvarnim pravima ("Službene novine Federacije Bosne i Hercegovine", broj:66/13, 100/13), člana 13. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj: 49/06), člana 21. Statuta Grada Visoko ("Službeni glasnik Grada Visoko", broj: 10/21), Gradsko vijeće Visoko, na 5. sjednici, održanoj 27.02.2025. godine, donijelo je

O D L U K U

o prihvatanju poklona-nekretnine označene kao k.č.3/5 KO Poriječani

Član 1.

Gradsko vijeće Visoko prihvata na poklon nekretninu označenu kao k.č.3/5 KO Poriječani u naravi nekategorisani put površine 216 m² zv-“Pode”, vlasništvo poklonodavca Mirsada Ajdinovića sa udjelom 1/1 u korist Grada Visoko.

Član 2.

Ovim putem utvrđuje se da nekretnina iz člana 1. služi kao “dobro u općoj upotrebi – putevi” obzirom da se u naravi koristi kao javni put.

Član 3.

Gradsko vijeće Visoko ovlašćuje Gradonačelnika Mirzu Ganiću da u ime Grada Visoko zaključi Ugovor o poklonu nekretnine označene u članu 1. ove Odluke sa poklonodavcem Mirsadam Ajdinovićem.

Član 4.

Troškove sačinjavanja i ovjere ugovora snosi podnosilac zahtjeva.

Član 5.

Zemljišnoknjižni ured Općinskog suda u Visokom će nakon stupanja na snagu ove Odluke i prenosa titulara prava izvršiti upis „dobro u općoj upotrebi-putevi “ na nekretnini iz člana 1. Ove Odluke.

Član 6.

Ova odluka stupa na snagu danom objave u "Službenom glasniku Grada Visoko".

Broj: 02/1-02-67/25
27.02.2025. godine
Visoko

PREDSJEDAVAJUĆI
Gradskog vijeća Visoko
Mr. Almir Ljeskovic, s.r.

26.

Na osnovu člana 21. Statuta Grada Visoko ("Službeni glasnik Grada Visoko" broj 10/21) i Zaključka Gradskog vijeća Visoko broj 02/1-02-25/25 od 30.01.2025. godine Gradsko vijeće Visoko, na 5. sjednici, održanoj 27.02.2025. godine, donijelo je

O D L U K U**o davanju saglasnosti na akte organa
JKP "Gradska groblja" d.o.o Visoko****Član 1.**

Ovom Odlukom Gradsko vijeće Visoko daje saglasnost na Odluku direktora JKP "Gradska groblja" d.o.o Visoko broj 100-0180-01/25 od 05.02.2025. godine i Zaključak Nadzornog odbora JKP "Gradska groblja" Visoko broj 100-0180-01-01/25 od 05.02.2025. godine, koji se odnose na izmjene Pravilnika o radu, a u cilju usklađivanja sa Odlukom Vlade Federacije BiH o iznosu najniže plaće za 2025. godinu.

Član 2.

Prilog ove Odluke je Odluka direktora JKP "Gradska groblja" d.o.o Visoko broj 100-0180-01/25 od 05.02.2025. godine i Zaključak Nadzornog odbora JKP "Gradska groblja" d.o.o Visoko broj 100-0180-01-01/25 od 05.02.2025. godine.

Član 3.

Odluka stupa na snagu danom donošenja i objavit će se u "Službenom glasniku Grada Visoko".

Broj: 02/1-02-69/25
27.02.2025. godine
Visoko

PREDSJEDAVAJUĆI
Gradskog vijeća Visoko
Mr. Almir Ljeskovica, s.r.

27.

Na osnovu člana 21. Statuta Grada Visoko ("Službeni glasnik Grada Visoko" broj 10/21) i Zaključka Gradskog vijeća Visoko broj 02/1-02-25/25 od 30.01.2025. godine Gradsko vijeće Visoko, na 5.sjednici održanoj 27.02.2025.godine, donijelo je

O D L U K U**o davanju saglasnosti na akte organa
JKP "Visoko" d.o.o Visoko****Član 1.**

Ovom Odlukom Gradsko vijeće Visoko daje saglasnost na Odluku direktora JKP "Visoko" d.o.o Visoko broj 1010/25 od 15.02.2025. godine i Mišljenje Nadzornog odbora JKP "Visoko" Visoko broj 01-XXIV-15-02-II/25 od 15.02.2025. godine, koji se odnose na izmjene Pravilnika o radu, a u cilju usklađivanja sa Odlukom Vlade Federacije BiH o iznosu najniže plaće za 2025. godinu.

Član 2.

Prilog ove Odluke je Odluka direktora JKP "Visoko" d.o.o Visoko broj 1010/25 od 15.02.2025. godine i Mišljenje Nadzornog odbora JKP "Visoko" d.o.o Visoko broj 01-XXIV-15-02-II/25 od 15.02.2025. godine.

Član 3.

Odluka stupa na snagu danom donošenja i objavit će se u "Službenom glasniku Grada Visoko".

Broj: 02/1-02-70/25
27.02.2025. godine
Visoko

PREDSJEDAVAJUĆI
Gradskog vijeća Visoko
Mr. Almir Ljeskovica, s.r.

28.

Na osnovu člana 10. Zakona o porezu na promet nekretnina („Službene novine Zeničko-dobojskog kantona“, broj: 06/09, 06/13, 6/18 i 12/20), člana 16. Zakona o porezu na imovnu, naslijeđe i poklon („Službene novine Zeničko-dobojskog kantona“, broj: 06/09 i 13/11) i člana 21. Statuta Grada Visoko („Službeni glasnik Grada Visoko“, broj: 10/21), Gradsko vijeće vijeće Visoko, na 5. sjednici, održanoj 27.02.2025.godine, donijelo je:

R J E Š E N J E**o imenovanju Komisije za procjenu
prometne vrijednosti nekretnina****Član 1.**

U Komisiju za procjenu prometne vrijednosti nekretnina na području Grada Visoko imenuju se:

1. Emir Semić, za predsjednika
2. Adnan Muratović, za člana
3. Irfan Hadžimerović, za člana

Član 2.

Mandat Komisije traje dvije godine.

Gradonačelnik Pravilnikom propisuje način rada Komisije i kriterije na osnovu kojih se vrši utvrđivanje vrijednosti nekretnine - procjena vrijednosti nekretnine, na prijedlog Komisije za procjenu prometne vrijednosti nekretnina.

Član 3.

Zadatak Komisije je da vrši procjenu prometne vrijednosti nekretnine u skladu sa Zakonom o porezu na promet („Službene novine Zeničko-dobojskog kantona“, broj: 06/09, 06/13 i 6/18), člana 16. Zakona o porezu na imovnu, naslijeđe i poklon („Službene novine Zeničko-dobojskog kantona“, broj: 06/09 i 13/11) i drugim propisima.

Komisija ima sekretara, koji vrši administrativno-stručne poslove za Komisiju. Sekretara Komisije imenuje Gradonačelnik iz reda uposlenika organa uprave.

Član 4.

Članovima Komisije i sekretaru pripada naknada za rad.

Sredstva za isplatu ovih naknada i zakonom propisanih poreza i doprinosa po osnovu ovih isplata padaju na teret obveznika poreza, te je isti dužan platiti na žiro račun Grada Visoko broj: 1990470004018370, vrsta prihoda 722 518, a prema vrijednosnim razredima i to:

za procijenjene nekretnine vrijednosti do 1.500,00 KM - paušalni iznos od 10,00 KM
za procijenjene nekretnine vrijednosti od 1.500,00 KM - 20.000,00 KM - paušalni iznos od 30,00 KM
za procijenjene nekretnine vrijednosti od 20.000,00 KM - 100.000,00 KM - paušalni iznos od 50,00 KM
za procijenjene nekretnine vrijednosti od 100.000,00 KM - 200.000,00 KM - paušalni iznos od 100,00 KM
za procijenjene nekretnine vrijednosti od 200.000,00 KM - 500.000,00 KM - paušalni iznos od 200,00 KM
za procijenjene nekretnine vrijednosti od 500.000,00 KM - 1.000.000,00 KM - paušalni iznos od 300,00 KM
za procijenjene nekretnine vrijednosti preko 1.000.000,00 KM - paušalni iznos od 400,00 KM

Od ukupnog iznosa sredstava iz prethodnog stava, 70% sredstava pripada članovima i sekretaru Komisije, a 30% za rad organa uprave Grada Visoko

Član 5.

Isplata naknade iz tačke IV ovog Rješenja vršiti će se mjesečno, a na osnovu dostavljenog mjesečnog obračuna Komisije i dokaza o uplati, koji sekretar Komisije dostavlja Službi za finansije, privredu, poslovne prostore i ekonomski razvoj na obračun i plaćanje.

Član 6.

Stupanjem na snagu ovog Rješenja prestaje da važi Rješenje Gradskog vijeća Visoko o imenovanju Komisije za procjenu prometne vrijednosti nekretnina, broj: 02/1-02-64/23 od 28.02.2023. godine („Službeni glasnik Grada Visoko“, broj: 02/23).

Član 7.

Ovo Rješenje stupa na snagu danom objave u „Službenom glasniku Grada Visoko“.

Broj: 02/1-02-68/25
27.02.2025. godine
Visoko

PREDSJEDAVAJUĆI
Gradskog vijeća Visoko
Mr. Almir Ljeskovica, s.r.

29.

Na osnovu člana 21. tačka 27. Statuta Grada Visoko („Službeni glasnik Grada Visoko“ broj 10/21), Gradsko vijeće Visoko, na 5. sjednici održanoj 27.02.2025.godine, donijelo je

R J E Š E N J E

**o imenovanju Stručne komisije za
legalizaciju bespravno izgrađenih objekata
na području Grada Visoko**

Član 1.

Ovom Odlukom Gradsko vijeće imenuje Stručnu komisiju u sastavu;

1. Fadil Mostić, predsjednik Komisije
2. Emir Bukurević, član Komisije
3. Melika Alibegović, član Komisije
4. Suada Koljenović, član Komisije
5. Nermina Ridić, član Komisije.

Član 2.

Zadatak Komisije ja da do kraja 2026. godine obradi i okonča upravne predmete

započete po Odluci o legalizaciji bespravno izgrađenih objekata na području Grada Visoko.

Član 3.

Ovim Rješenjem stavlja se van snage Rješenje Općinskog vijeća Visoko broj 01/1-02-253/07 od 03.11.2007. godine.

Član 4.

Naknadu za rad Komisije utvrdit će Gradonačelnik posebnim Zaključkom.

Član 5.

Ovo Rješenje stupa na snagu danom donošenja, a objavit će se u "Službenom glasniku Grada Visoko".

Broj: 02/1-02-64/25
27.02.2025. godine
Visoko

PREDSJEDAVAJUĆI
Gradskog vijeća Visoko
Mr. Almir Ljeskovic, s.r.

30.

Na osnovu člana 3. Zakona o budžetima u Federaciji BiH («Službene novine Federacije BiH», broj 102/13, 9/14, 13/14, 8/15, 91/15, 102/15, 104/16,5/18,11/19, 99/19 i 25a/22), člana 5. stav 2. Pravilnika o utvrđivanju i načinu vođenja registra budžetskih korisnika budžeta u Federaciji BiH ("Službene novine Federacije BiH" broj 30/14), rukovodilac Službe – pomoćnik Gradonačelnika Visoko, donosi:

REGISTAR BUDŽETSKIH KORISNIKA GRADA VISOKO ZA 2026. GODINU

I

Registar budžetskih korisnika Grada Visoko za 2026.godinu čine sljedeći budžetski korisnici:

RBK broj	01
NAZIV	Služba kabineta Gradonačelnika
ADRESA KORISNIKA	Visoko, Alije Izetbegovića 12A
ID BROJ	4218275170003

RBK broj	02
NAZIV	Služba za finansije, privredu, poslovne prostore i ekonomski razvoj
ADRESA KORISNIKA	Visoko, Alije Izetbegovića 12A
ID BROJ	4218275170003

RBK broj	03
NAZIV	Služba za infrastrukturu, ekologiju, komunalne i inspekcijske poslove
ADRESA KORISNIKA	Visoko, Alije Izetbegovića 12A
ID BROJ	4218275170003

RBK broj	04
NAZIV	Služba za urbanizam, imovinsko-pravne, geodetske poslove i katastar nekretnina
ADRESA KORISNIKA	Visoko, Alije Izetbegovića 12A
ID BROJ	4218275170003

RBK broj	05
NAZIV	Služba za opštu upravu i zajedničke poslove
ADRESA KORISNIKA	Visoko, Alije Izetbegovića 12A
ID BROJ	4218275170003

RBK broj	06
NAZIV	Stručna služba Gradskog vijeća
ADRESA KORISNIKA	Visoko, Alije Izetbegovića 12A
ID BROJ	4218275170003

RBK broj	07
NAZIV	Služba civilne zaštite
ADRESA KORISNIKA	Visoko, Alije Izetbegovića 12A
ID BROJ	4218275170003
RBK broj	08
NAZIV	Javna ustanova Centar za socijalni rad
ADRESA KORISNIKA	Visoko, Islamovića br.10
ID BROJ	4218275500003

RBK broj	09
NAZIV	Gradsko Pravobranilaštvo
ADRESA KORISNIKA	Visoko, Alije Izetbegovića 12A
ID BROJ	4218275170003

RBK broj	10
NAZIV	Služba za boračko-invalidsku zaštitu i društvene djelatnosti
ADRESA KORISNIKA	Visoko, Alije Izetbegovića 12A
ID BROJ	4218275170003

RBK broj	11
NAZIV	Služba interne revizije
ADRESA KORISNIKA	Visoko, Alije Izetbegovića 12A
ID BROJ	4218275170003

II

Podaci iz Registra koji se ne objavljuju u Službenom glasniku Grada Visoko javni su i dostupni u Službi za finansije, privredu, poslovne prostore i ekonomski razvoj.

III

Status budžetskog korisnika koji se utvrdi nakon objave ovog registra objavit će se sljedeće godine.

IV

Registar budžetskih korisnika Grada Visoko za 2026.godinu će se objaviti u „Službenom glasniku Grada Visoko“.

Broj: 05/1-11-56/25 **p.o. Pomoćnica Gradonačelnika**
19.02.2025. godine **Suada Koljenoivć, s.r.**
Visoko

S A D R Ź A J		Strana
I GRADSKO VIJEĆE VISOKO		
16.	Zaljučak o usvajanju Osnove programa i politike Gradonačelnika Mirze Ganića za mandatni period 2024-2028	1
17.	Osnove programa i politike Gradonačelnika Mirze Ganića za mandatni period 2024-2028	1
18.	Odluka o raspisivanju izbora za članove savjeta u mjesnim zajednicama Grada Visoko za mandatni period 2025-2029 godina	5
19.	Odluka o imenovanju Komisije za sprovođenje izbora za članove savjeta u mjesnim zajednicama Grada Visoko za mandatni period 2025-2029 godina	7
20.	Odluka o prijedlogu radnog vremena trgovinskih objekata na području Grada Visoko	7
21.	Odluka o dodjeli u zakup poslovnog prostora političkoj stranci Stranka za BiH Gradskoj organizaciji Visoko	8
22.	Odluka o pristupanju izradi Izmjena Regulacionog plana „Centar 3-I“	8
23.	Odluke o prestanku statusa javnog dobra na nekretninama označenim kao k.č.833/2 i k.č.834/2 KO Dobrinje	10
24.	Odluka o zamjeni nekretnina označenih kao k.č.833/2 i k.č.834/2 KO Dobrinje za nekretninu označenu kao k.č.482/4 KO Dobrinje	10
25.	Odluka o prihvatanju poklona-nekretnine označene kao k.č. 3/5 KO Poriječani	11
26.	Odluka o davanju saglasnosti na akte organa JKP „Gradska groblja” d.o.o. Visoko	12
27.	Odluka o davanju saglasnosti na akte organa JKP „Visoko” d.o.o. Visoko	12
28.	Rješenje o imenovanju Komisije za procjenu prometne vrijednosti nekretnina	12
29.	Rješenje o imenovanju stručne Komisije za legalizaciju bespravno izgrađenih objekata	13
II SLUŽBA ZA FINANSIJE, PRIVREDU, POSLOVNE PROSTORE I EKOMSKI RAZVOJ		
30.	Registar budžetskih korisnika Grada Visoko za 2026. godinu	14

Izdavač: Grad Visoko, ul. Alije Izetbegovića br. 12A, Visoko

Uređuje: Muhamed Halilbegović, viši stručni saradnik

Glavni i odgovorni urednik: Zekija Omerbegović, sekretar Gradskog vijeća, **Telefon:** 032/732-502

Štampa: Grafički obrt „REMIX“ Visoko, **Telefon:** +387 32 746 038, **Mob:** +387 61 780 698